



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za društvene djelatnosti,
komunalne poslove i ekologiju**

Broj: 03-27-5-1176/13

Datum: 17.06.2013. godine

Služba za Društvene djelatnosti, komunalne poslove i ekologiju Općine Tešanj, rješavajući po službenoj dužnosti, na osnovu člana 4. Odluke o organizaciji i sigurnosti saobraćaja na cestama ("Službeni glasnik Općine Tešanj", broj: 3/10) i člana 200. Zakona o upravnom postupku ("Sl. novine FBiH", broj: 2/98, 48/99) donosi

R J E Š E N J E

1. ODOBRAVA SE privremena obustava saobraćaja u ulici „1.marta“ na potezu od Mosta u ulici "Kralja Tvrtka" do Hotela za period od 21.06. do završetka poslova osim vozila građevinske firme koja izvodi radove, TAXI prijevoza, Notara, PBS i CKO Tešanj, a radi izvođenja neophodnih radova na izgradnji „Hotela“ koji se ne mogu izvesti bez privremene obustave saobraćaja.

2. Privremenu obustavu saobraćaja bit će obilježena vertikalnom saobraćajnom signalizacijom.

3. Za vrijeme perioda privremene obustave saobraćaja vozila firmi koja su izuzeta od zabrane kretanja moraju biti parkirana na za to određena mjesta.

4. Policijska uprava Tešanj će dodatno pratiti stanje sigurnosti saobraćaja na tom dijelu općine, poduzimaće mjere sigurnog odvijanja saobraćaja, sigurne regulacije saobraćaja i druge mjere iz svoje nadležnosti.

5. U periodu privremene obustave saobraćaja Investitor će obezbijediti prilaz objektima duž navedene ulice.

O b r a z l o ž e n j e

Služba za Društvene djelatnosti, komunalne poslove i ekologiju Općine Tešanj po ukazanoj potrebi razmatrala je mogućnosto privremenoj obustavi saobraćaja u ul. "1.marta" od Mosta u ul. "Kralja Tvrtka" do Hotela radi izvođenja neophodnih radova na rekonstrukciji Hotela, shodno urbanističkoj saglasnosti za rekonstrukciju Hotela, broj: 06-23-1-1021/12 od 30.03.2012. godine.

Kako se navedeni radovi ne mogu izvesti bez obustave saobraćaja, Služba za Društvene djelatnosti, komunalne poslove i ekologiju Općine Tešanj je odlučila da se za period od 21.06.2013. godine do završetka poslova izvrši privremeno zatvaranje saobraćaja u ulici „1.marta“ na potezu od mosta u ul. "Kralja Tvrtka" do Hotela. Imajući u vidu naprijed navedeno, u skladu s članom 4. Odluke o organizaciji i sigurnosti saobraćaja na cestama ("Službeni glasnik Općine Tešanj", broj: 3/10) riješeno je kao u dispozitivu Rješenja.

Pouka o pravnom lijeku

Protiv ovog rješenja može se izjaviti žalba Drugostepenoj općinskoj komisiji u roku od 15 dana od dana prijema rješenja.

Dostavljeno:

1. Investitoru,
2. Policijska stanica Tešanj
3. Mediji (Radio i televizija)
4. Služba
5. a/a

POMOĆNIK OPĆINSKOG NAČELNIKA

Azra Muslija,dipl.pravnik